

ՀԱՇՎԵՏՎՈՒԹՅՈՒՆ

2024 թվականի հուլիսի 24-ից 26-ը Ռուսաստանի Դաշնության Հարավային մաքսային վարչության Աստրախանի մաքսատուն ՀՀ ՊԵԿ Պետական սահմանի ցամաքային անցման կետերում մաքսային սպասարկման և հսկողության վարչության աշխատակիցների գործուղման արդյունքների մասին

1. Անունը, ազգանունը, զբաղեցրած պաշտոնը

- 1) Ղամբարյան Արտաշես, ՀՀ Պետական եկամուտների կոմիտեի պետական սահմանի ցամաքային անցման կետերում մաքսային սպասարկման և հսկողության վարչության պետ
- 2) Ալավերդյան Վահագն, ՀՀ Պետական եկամուտների կոմիտեի պետական սահմանի ցամաքային անցման կետերում մաքսային սպասարկման և հսկողության վարչության պետի տեղակալ
- 3) Սարգսյան Նարեկ, ՀՀ Պետական եկամուտների կոմիտեի պետական սահմանի ցամաքային անցման կետերում մաքսային սպասարկման և հսկողության վարչության աշխատանքների կազմակերպման բաժնի պետ

2. Գործուղման վայրը և ժամկետները՝

- 1) Ռուսաստանի Դաշնություն, ք.Աստրախան, 2024 թվականի հուլիսի 24-ից 26-ը

3. Հրավիրող կողմը՝

- 2) Ռուսաստանի Դաշնության դաշնային մաքսային ծառայություն

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝

Քննարկել երկու երկրների միջև տեղափոխվող ապրանքների և տրանսպորտային միջոցների մաքսային ձևակերպումների և մաքսային հսկողության հետ կապված գործառնությունների իրականացման ընթացքում երկուստեք հետաքրքրություն և կարևորություն ներկայացնող հարցեր, իրականացնել ցամաքային անցման կետերի մաքսային մարմինների աշխատանքների կազմակերպման փորձի փոխանակում:

Իրականացվել են քննարկումներ, կարծիքների փոխանակում:
Հանդիպման աշխատանքային լեզուն ռուսերենն էր:

5. Քննարկված թեմաները՝

Հանդիպման ժամանակ մանրամասն քննարկվել են հետևյալ թեմաները.

- 1) Մաքսային սահմանով տեղափոխվող ապրանքների կարգավիճակի որոշման և հաստատման ժամանակ Եվրասիական տնտեսական միության մաքսային օրենսդրության պահանջների պահպանման անհրաժեշտության, մաքսային մարմիններին ներկայացվող փաստաթղթերի և տեղեկությունների ճշտության և հավաստիության ստուգման վերաբերյալ,
- 2) Մաքսային հսկողության ընթացքում մաքսային հսկողության ապահովման միջոցների (այդ թվում՝ ռենտգեն տեսազննման համակարգերի) կիրառման արդյունքների մասին օպերատիվ տեղեկատվության փոխանակման վերաբերյալ,
- 3) Մաքսային սահմանով ապրանքների և տրանսպորտային միջոցների անօրինական տեղափոխում իրականացրած ֆիզիկական և իրավաբանական անձանց բացահայտման, մաքսային հսկողության տեսանկյունից դիսկային համարվող գործընթացների շրջանակի հստակեցման, բացահայտված դեպքերի վերաբերյալ տեղեկատվության փոխանակման, իրավական փոխգործակցության վերաբերյալ,
- 4) Երկու երկրների միջև փոխադրվող՝ «մաքսային տարանցում» մաքսային ընթացակարգով ձևակերպված ապրանքների և տրանսպորտային միջոցների տարանցման ընթացքում ի հայտ եկող խնդիրների, դրանց հրատապ լուծումների, մաքսային օրենսդրության, մասնավորապես՝ ԵՏՀ կոլեգիայի 13.12.2017թ.-ի թիվ 170 որոշման և Միության անդամ երկրների մաքսային մարմինների ղեկավարների միավորված կոլեգիայի 30.09.2022թ. թիվ 39/16 որոշման պահանջների պահպանման նկատմամբ հսկողության ուժեղացման հարցերի վերաբերյալ,
- 5) Երկու երկրների սահմանային մաքսային մարմինների միջև տեղեկատվության փոխանակման օպերատիվ շուրջօրյա կապի ապահովման, տվյալների արագ փոխանակման վերաբերյալ,
- 6) ՀՀ-ից Իրանի Իսլամական Հանրապետության տարածքով ՌԴ ապրանքների տեղափոխման ընթացքում մաքսային գործառնությունների վրա ծախսվող ժամանակի կրճատման նպատակով դրանց արդյունավետության բարձրացման ուղղված աշխատանքների իրականացման վերաբերյալ

- 7) ՀՀ-ից արտահանվող ակցիզային հարկով հարկման ենթակա ապրանքների՝ Աստրախանի մաքսատան մաքսային մարմինների գործունեության տարածքով դեպի ՌԴ արտահանման հնարավորության դիտարկման վերաբերյալ

6. Հանդիպումները, ելույթները, բարձրացված կամ քննարկված հարցերը՝

Հանդիպմանը ելույթ ունեցան ՀՀ ՊԵԿ պետական սահմանի ցամաքային անցման կետերում մաքսային սպասարկման և հսկողության վարչության պետ Արտաշես Ղամբարյանը և ՌԴ ԴՄԾ Աստրախանի մաքսատան պետի ժպ Իգոր Իսայչենկոն:

Օրակարգի հարցերի վերաբերյալ հանդիպման բոլոր մասնակիցների միջև իրականացվեց կարծիքների փոխանակում:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

Հանդիպման արդյունքներով որոշվեց երկու երկրների շահագրգիռ մաքսային ստորաբաժանումների ղեկավարների միջև տեղեկատվության փոխանակման և ընթացիկ հարցերի քննարկման նպատակով պարբերաբար իրականացնել քննարկումներ, ուժեղացնել հսկողությունը մաքսային սահմանով տեղափոխվող ապրանքների մաքսային ձևակերպումների և մաքսային հսկողության ընթացքում օրենսդրության պահանջների պահպանման նկատմամբ: Ձեռք բերվեց պայմանավորվածություն սահմանային մաքսային մարմինների ղեկավարների միջև աշխատանքային շփումները ակտիվացնելու վերաբերյալ:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝

Պարբերաբար իրականացնել հանդիպումներ և քննարկումներ երկուստեք հետաքրքրություն ներկայացնող հարցերի վերաբերյալ, ինչպես նաև՝ տվյալների և տեղեկատվության փոխանակում օրակարգի հարցերի և դրանց լուծումների


վերաբերյալ: Որպես ակնկալվող արդյունք՝ բարձրացնել երկու երկրների միջև փոխադրվող ապրանքների և տրանսպորտային միջոցների նկատմամբ իրականացվող մաքսային հսկողության արդյունավետությունը, կրճատել մաքսային ձևակերպումների վրա ծախսվող ժամանակը, Իրանի Իսլամական Հանրապետության տարածքով երկու երկրների միջև ապրանքաշրջանառության ծավալների ավելացմանը:

9. Ստորագրությունը, ամսաթիվը


Արտաշես Ղամբարյան



Վահագն Ալավերդյան



Նարեկ Սարգսյան



29.07.2024թ.

Նարեկ Սարգսյան

Արտաշես Ղամբարյան